

Santioak ♦ BILLABONA

Inude eta artzain egun batez

Pilota partiduak eta herri konpartsa izango dira gaurko protagonista. Errebote eta pala partiduak jokatu dituzte herriko pilotariek, eta berrehun lagun inuruk, berriz, inude eta artzain dantzita irtengo dute herri konpartsan dantzan egiteko. Beraz, dantzarako eta ikusmirarako giro paregabea izango dute bertaratzen direnek, baina batez ere, dantzan aterako direnek. Aurten, inude eta artzainen konpartsa egingo dute berriz dantzariek. Izan ere, nahikoa zaila da konpartsa berriak asmatzea edo antolatzea. Sorgin dantza eta antzinako ezkontza izan dira aurreko urteetan dantzatutako koreografia batzuk, baina aipagarriena Billabonako maskotaren omenez, erroskilaren omenez, alegia, egin zuten koreografia izan da. Oinkari dantza taldeko kide ohiek asmatu zuten dantza hori, eta hasierako urteetan beraien ideia eta ardura izan zen konpartsa gora-behera guztiak antolatzea. Orain, berriz, Oinkariko egungo dantzariek antolatzen dute konpartsa, baina bertan ateratzen diren guztiak ez dira dantzariak, ez horixe; 18 urtetik gorako herritarrek egiten dute dantzan konpartsan, entsegu guztietan parte hartu ondoren, noski. 100 dantzarik hartuko dute parte konpartsan, eta horiekin batera, txarangako eta danborradako musikariek ere esku-hartuko dute. Gainera, ezin ditugu ahaztu alkate, mikelte edota saltzailek moztortuta aterako direnak. Guztira 200 lagun inguruk dantzatuko dute goizean hasiko den konpartsa kalejira eta arratsaldean eskainiko duten emanaldian. Ondoren, konpartsakide guztiek batera afalduko dute, eta beraz, sari ederra jasoko dute egunean zehar eginiko dantza saioen truke.

* «Herritarrak biltzen dituen ekitaldia da»

Adin eta sexu ezberdinetako herritarrak irteten dira herri konpartsan eta herrian mirespen handia diotela esan digute antolatzaileek: «Herriko jendea da protagonista eta, gainera, urtetik urtera jende gehiagok hartzen du parte». Arratsaldeko 19:00etan hartzen dute arnasa lasai antolatzaileek —Oinkari dantza taldekoak ia guztiak—: «Izan ere, oso gogorra da konpartsa antolatzea, eta are gehiago Oinkarikoak garenok bakarrik antolatzen dugunean». Oso gustura daude herri konpartsaekin, dantzari ekarpen handia egiten baitio; «batek baino gehiagok fandangoa eta arin-arina ikasi ditu konpartsan parte hartuta. Beharrezkoa da bi dantza horiek jakitea bertan parte hartzeko».

Konturatu ere egin gabe igaro dira jailetako lehenengo egunak, baina beste bost jai-egun eta egun horien gauak ditugu zain. Bihar koadrilen arteko futbol partiduak eta bertsolariak izango ditugu, besteak beste. Igandean, berriz, dantzaren erritmoan ibili-



Adin eta sexu ezberdinetako herritarrak irteten dira Billabonako herri konpartsan.



Umeek ere gozagarri ugari izango dute jai hauetan.

ko gara egun osoan, dantzari txikien emanaldia, Paraguaiko ÑE'E baleta eta Maixa eta Ixiarren saioak izango baitira. Gogoratu 29an pentlathoiko finala eta Akelarre taldea izango direla. Herriko koadrilek, ordea, 30a izango dute buruan, Etxe Ondon urtero egiten duten koadrilen arteko bazkaria asteartean izango baita. Gauean, gainera, Anestesia eta Dr. Deseoren kontzertua edukiko dute rockaren zaletuek. Erroskila 31n lurperatuko dute.

AINHOA OIARTZABAL

egitaraua

- 10:30etan:** Erraldoi eta buruhandien irteera.
- 11:00etan:** Errebote partidua plazan (Gazteak).
- 11:00etan:** Herri Konpartsa irteera Incansables txarangarekin.
- 18:00etan:** Herri Konpartsa emanaldia plazan.
- 19:00etan:** Pala txapelketako finalak.
- 23:30etan:** Dantzaldia plazan Belea orkestrarekin.

Félix ILEAPAINDEGIA
Aurrez ordua eskatu

Kale Berria, 23

BILLABONA

Tf. 69 18 24

Aitzol taberna
jai zoriontsuak opa dizkizuegu!

Etxe Ondo

BILLABONA

Tf.: 69 02 96



► 8 urte eta 9 hilabete
ESPETXEAN
► 3.190 egun **BAHITURIK**



► 9 urte eta 9 hilabete
ESPETXEAN
► 3.555 egun **BAHITURIK**



► 3 urte eta 9 hilabete
ESPETXEAN
► 1.245 egun **BAHITURIK**

Jailetan ere beti GOGOAN!
GORA EUSKADI ASKATUTA!
IRATZAR ELKARTEA